

LAWATAN TIMBALAN PANGLIMA TENTERA UDARA KE PANGKALAN UDARA SENDAYAN

 airforce.mil.my/berita/acara-rasmi/3038-lawatan-timbalan-panglima-tentera-udara-ke-pangkalan-udara-sendayan

SENDAYAN, 14 Feb 18 - Timbalan Panglima Tentera Udara, YBhg Lt Jen Dato' Sri Ackbal bin Hj Abdul Samad TUDM telah membuat lawatan ke Pangkalan Udara Sendayan bagi meninjau perkembangan semasa pembangunan yang dijalankan di pangkalan tersebut serta melihat persiapan yang dilaksanakan sempena lawatan Menteri Pertahanan ke pangkalan ini yang akan berlangsung tidak lama lagi.

Lawatan beliau telah dimulakan dengan raptai sesi taklimat yang disampaikan oleh wakil dari Perbadanan Perwira Harta Malaysia (PPHM) mengenai program lawatan Menteri Pertahanan dan status perkembangan pembangunan di Pangkalan Udara Sendayan.

Seterusnya beliau telah meninjau di beberapa kawasan sekitar pangkalan ini termasuk bangunan Markas Pemerintahan Pendidikan & Latihan Udara (MPPLU), Padang Kawad, Bangunan Skuadron Provos, RKAT Kelas C dan F, PERNAMA, Dewan Serbaguna serta Kelab Rekreasi Angkatan Tentera (KRAT).

Turut mengiringi semasa lawatan tersebut adalah Timbalan AKS P&P, YBhg Brig Jen Dato' Muhammad Mudzamir Ong bin Abdullah TUDM, Komander Pangkalan Udara Kuala Lumpur, YBhg Kol Mohd Noh bin Daim TUDM serta pegawai-pegawai Kanan TUDM yang lain.



